



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm XVI. Ad præsentiam.

[urn:nbn:de:hbz:466:1-62587](#)

De Appellationibus, recusationibus, & relation. 519

casu si Iudex delegatus intelligat per fraudem, aut ex malitia id eosegisse, ut Titii diligentiam irritam redderent, appellationi eorum deferre non debet, sed ea non obstante causam definire, tametsi enim alias responsum sit in c. Meminimus.

9. c. Ad hac. 38. h. tit. quod delegatus si ante citationem appelletur, ne in causa procedat, supercedere debeat, id tamen cum ad grauamen oppressorum amoenum fuerit constitutum, non debet ad iustitiae depressionem conuerti.

S U M M A R I U M .

1. Causa ob quas remedium appellationis introductum est.
2. Ratio legis sive in ea expressa sit, sive prudenter subintellexit, limitat vel ampliat verba legis.
3. Quod ob certum finem constitutum est, non debet inferiure ad effectum contrarium.

¶ **N**ot. I. Causa, ob quas remedium appellationis introductum est, haec sunt: ut grauamen oppressorum remouatur, ut iniustitia aut imperitia Iudicium corrigatur. Denique, ait Abb. hic. n. 3. vt ex propria ignorantia, aut negligencia Iesus Ius suum consequi possit: nam quae non probata, nec allegata sunt in prima instantia judicii, ea allegari, aut probari possunt in 2. seu coram Iudice appellationis, per hanc. 4. c. de temporibus appell. c. Cum Joann. de fide instrumentorum. quare accidere potest, ut tametsi sententia formaliter justa sit, & Iudex recte processerit, tamen ea propter nouas allegationes rescindi debeat.

2. Not. II. Non tantum si ratio legi adiecta sit, ea limitat vel ampliat verba legis, sed etiam si nulla sit causa expressa, appareat tamen una seu adaequata legis ratio ex jure naturali, tum ad limites eiusdem rationis restringenda & interdum amplianda est lex, ita Abb. h. n. 2. Franc. not. 1. Alex. n. 3. ex Buld. in l. Non dubium. C. de legibus. nam ratio, sive ea in lege expressa sit, sive prudenter sub intellecta, est veluti anima seu dirextrix legis: prout docui l. 1. tradit. 4. c. 18. n. 4.

Not. III. Quod legi constitutum est 3 ob certum finem, non debet ad effectum contrarium inferiure. Ita gl. b. c. verb. removendum. Hac ratione dicitur in c. Licet. 6. dist. 4. s. quod prouisum est ad concordiam, non debet tendere ad noxiam, & in l. ult. C. de usucapione pro emptore. quod pupillus juris fauorem sibi concessum ad iniquum compendium trahere non debet, & similiiter in c. Quod nonnullis. 25. de privilegio. quod priuilegium juris ad iniquum dispendium tendere non debet. in c. Nonnulli. 28. de rescript. juncta gl. verb. juris obseruantia. quod inde iniuria oriri non debent, vnde iura nascuntur.

C A P I T U L U M . XVI.

Ad presentiam.

P A R A P H R A S I S .

R. Presbyter à sententia Eboracensis Archi-Episcopi appellauit ad Papam, eo tamen non obstante, Archi-Episcopus illum excommunicauit; ea propter R. questionis est apud Alexand. III. qui causam Iudicibus delegauit: hi dictum R. tametsi de jure excommunicatus non esset, tamen absolu curarunt: hic vero Papa rescribit Archi-Episcopo, quod dicto R. questionem mouere non debeat, quia diuina celebrabit in excommunicatione ipsi illata post appellationem interpositam, sed ad eum statum omnia reducat, in quo erant tempore emissae appellationis.

S U M M A R I U M .

1. Excommunicatione lata à judge post legitimam appellationem irrita est.
2. Celebrans post excommunicationem vel suspensionem ab officio, qua ipso jure irrita est, non debet censere irregularis. Potest tamen talis absolutionem petere ad cautelam.
3. Cautela in tali casu pro Ordinario.
4. Iudex delegatus potest absoluere excommunicatum ad cautelam, ut possit in iudicio contendere.

Not.

Not. I. Excommunicatio lata à Indice post appellationem legitimā, irrita est. *c. Pertuas. 40. §. Nosigitur. de sent. excommunicat.* nam qui appellat legitimè, contumax censeri non potest, consequenter nec excommunicari, si tamen Index ad quem appellationem friuolam fuisse judicarit, tunc excommunicatio lata post appellationem, cui Index, à quo non detulit, valida reputabitur, quia ut *Abb. ait in c. Pastor. 53.* *§. Verum. n. 14. h. tit. Sayr. in Thesaur. l. 1. e. 6. n. 27.* appellatio friuola non suspendit jurisdictionem iudicis.

2. Not. II. Si quis celebret post excommunicationem aut suspensionem ab officio, quæ ipso jure irrita est, non debet censeri irregularis; nihilominus talis, si velit, potest absolutionem petere ad cautelam; *Adde quod hic obseruat Alex. n. 12.* Tametsi is, qui absolute petit se absoluī, fateatur se ligatum, *c. Venerabilem. 33. de electione.* secus tamen esse dicendum de eo, qui se petit absolui ad cautelam.

3. Corollarium. Ordinarius efficacius procedere poterit contra delinquētēm, si commisso criminī reperiat censuram ipso jure decretam, tunc enim citato & auditō reo declarare potest eum censura ligatum, id est que prohibere illi, ne celebret, donec absolutatur: nam tametsi reus à sententia hac declaratoria appellat, tamen reuerairregularis censebitur, si postea judicatum fuerit, bene declaratum, & non reētē appellatum fuisse, quia appellatio interposita non potest suspendere sententiam seu pœnam à jure inflamat, ut supra dixi in *c. Peruenit. 83. h. tit.*

4. Not. III. Judex delegatus potest absolvere excommunicatum ad cautelam, ut possit in iudicio contendere, ita *Abb. hic Franc.* & alij argumento. *c. Prudentiam. 21. de off. delegati.* Vbi dicitur: quod is, cui causa principalis commissa est, etiam in accessoriis jurisdictionem exercere possit.

CAPITVLVM XVII.

Cūm teneamur.

PARAPHRASIS.

Archiepiscopus Cantuariensis, quæsivit ex A-

lexand. III. si quicquam à sua sententia appellauit ad Pontificem & postea eiusdem appellantis possessio. v. g. ædium, circa quas Controversia veratur, turbata sit ab aliquo, num se junctâ causâ appellationis, turbatam possessionem reformare liceat Archiepiscopo.

Respondet Papa, id ipsi licere seruato ordine judiciario, si talis ad ipsum querela deferatur.

S Y M M A R I V M.

1. *Judex à quo in iudicio possessorio appellatum est, pendente appellatione cognoscere potest de querela infestata possessionis.*
2. *Possessor condemnatus ad possessionem Alteri tradendam, si à sententia appellauit, & pendente appellatione spoliatur aut turbatur, agere potest interdicto recuperanda vel retainenda possessionis apud iudicem à quo.*
3. *Judex à quo, inhibere potest partibus, ne quid lite pendente immutent, & male alterata ab illis, vel à seruocare.*

Not. vnic. Judex à quo (in iudicio possessorio) appellatum est, pendente appellatione cognoscere potest, de querela infestata possessionis.

In primis adverte, quod pendente appellatione nil debet immutari, consequenter is, qui antea in possessione erat, eā uti possit, ac fructus, pendente appellationis causâ, percipere, sicuti prius secundum *Gl. in c. Sept. 44. verb. rata. b. t.* vbi ait: quod Prælatus ab Episcopo depositus per sententiam, si ab ea appellauit, interim jurisdictionem exercere possit. v. g. subditum excommunicare, quia condemnatus, pendente appellatione, non censetur condemnatus. *l. 2. §. vls. ff. de pan.* Si tamen in tali casu suspicio subsit, ne redditus Ecclesiæ, aut res, de qua lis est, interim dilapidetur, tunc sequestratio imperari potest. *l. Imperatores. 21. in fine. ff. de appell.* & notauit *Gail. l. 1. obseru. 148. n. 2.* ne alioquin iudicium illusorium fiat, & excommunicatio sententia impediatur.

Hinc itaque existit, quod possessor con-

dem-